

LA NOUVEL PAKITINIKAWTAYWIN

Neu Wayashtaywin Chikishinamawkayhk Akishoowin di Indigene Kishkayistamowin daw Mawkouhtawin kenawawpaschikawtaywina

Septawmbr 26, 2022 - Ottawa - Mawkouhtawin Kenawawpaschikawtaywin La zhawnsree di Kenadaw

Indigene Lee Moond ayowak mishi michimitouwin avek la tayr pi awpachchikana. Ishpee kaw-ahkamay kaykinamahk si rawr kishkayistamowin ouschi aykwawni la tayr pi awpachchikana didawn ooma mawkouhtawin kenawawpaschikawtaywin ishi toutamowin, nawachikou kinishoustaynaw pi chi-natakouhkawtayhk si posib mawkoutawina ouschi kaw-paminikayhk.

Anoush, Li Aanoraable Steven Guilbeault, Li Ministr di Wawshakawshkayhk pi Pahkawn Kawshikeeshikaww Kenadaw, weestamakayw aypakitinikkawtaywin ouschi [Indigene Kishkayistamowin Lee Lway Wayashtaywin poor Paminikaywin Kaw-igzaminee pi Il a disidee Kaw-ishinakishkamoomahak](#) (ooma Wayashtaywin) tawnima kee-oushtawniwun en partineuz weechayhtowin avek Indigene Lee Moond.

Ooma aenportaan wayashtaywin kaw-weestam kischeetayistamouwin, ahkamay pi aenportaan akishoowin pi kenawaychikawtaywin di Indigene Kishkayistamowin didawn paminikaywin kaw-igzaminee pi il a disidee Kaw-ishinakishkamoomahak awntsoor ooma *Lee Lway'd Mawkouhtawin Kenawawpaschikawtaywin*; ooma *Lee Lway'd Aen zhawn'd Kenadaw Shawpouhtaywin daw Diloo*; ooma *Lee Lway'd Aen zhawn'd Kenadaw La fors Pishkayihchikaywin* pi aen pwaysoon pi aen pwaysoon wawshakawmihk natamoushtawkaywin lee zord ouschi *Lee Lway'd Ou pwesoon*.

Ooma Wayashtaywin ay-ashtawhk aen foondawsoon poor aen shoohkun miyeuweechaytouwin awnter Li Gouvarnimaw di Kenadaw pi Indigene Lee Moond ouschipayiwun kaw-gischeetayimouhk poor jeufarawn en tayr di veu pi kawawshakawshkayhk di kishkayistamowin. Nawachikou ka-pakitayihchikawtayw akishoowin di Indigene Kishkayistamowin didawn mawkouhtawin kenawawpaschikawtaywin ishi toutamowin poor nawut kwayesh paminikaywin oushtawniwun, mashkuwsheehtahk miyoutoochikaywin pi tawpashtawniwun la sort, pi zaenproovmawn il a disidee kaw-ishinakishkamoomahak poor awnjeuree weechihwaywin oushtawin.

Nishtawinamouwin kaw-aenprtaan di Indigene Kishkayistamowin aen system pi ashchikaywin poor okischeetayistamouwin akishoowin didawn kaw-igzaminee di kischee paminikaywina tapishkoot lee lozh, en minn, pi awn loo naturel li gas weechihwayin si payyek en step ishi Li Gouvarnimaw see atoushkaywina chi-mashkuwsheehtahk en partineuz weechayhtowin avek Indigene Lee Moond. Si aykwawnima shouhkashayw kakochiwahpatahiwayhk tawnsheeshi ouschi ooma Mawkouhtawin Kenawawpaschikawtaywin La zhawnsree di Kenadaw si awnfors

itayimoowin didawn Tooroon Not Grawn Piyeew Nawsyoon Weestamakaywin didawn Lee Drway di Indigene Lee Moond.

Ooma Wayashtaywin si aykwawnima neekawn en didawn oushtawin di ispray chikishinahamawkayhk ishi Indigene Kishkayistamowin didawn mawkouhtawin kenawawpaschikawtaywin, avek kaw-miyew ishitouchikawtayk poor kaw-igzaminee Indigene Kishkayistamowin didawn paminikaywin pakitinikaywina pi chi-oushtawhk tosal paminikaywin.

Ooma Mawkouhtawin Kenawawpaschikawtaywin La zhawnsree di Kenadaw nanashkoumiwayw swesawnti naef Indigene lee a alawntour pi mamowwiitowuk lout bor daw la tayr, pi La zhawnsree soo Indigene Kakayeshhkimaywin La bonch, poor see mitouni il i shayr mamowitowin pi kawkishinahamawkayhk didawn kaw- oushtawin ouschi ooma wayashtaywin.

Kishkayistamihawaywin

"Indigene Kishkayistamowin kee-oushistawn, pi ahkamay oushistawn, il i shayr weechihawaywin ishi wawshakawshkayhk, kaw-ishinakishkamoomahak pi kootaka ishi toutamoowin lout bor daw la tayr. Anoush weestamakayw si aykwawnima aenportaan en step neekawnihk daw Li Gouvarnimaw di Kenadaw soo ashoutamakaywin chimoushahkina weechi wawhkoostowin pi en partineuz weechayhtowin avek Indigene Lee Moond kaw-ishi daenrawn ahstahk li federal pishkayihchikaywak pi il a disidee-oushtawniwun tawnsheeshi kischeetayistamowin pi ouhchituw chi-itayistakwahk akishoowin Indigene Kishkayistamowin didawn paminikaywin pi il a disidee kaw-ishinakishkamoomahak."

— Li Aanoraable Steven Guilbeault, Li Ministr di Wawshakawshkayhk pi Pahkawn Kawshikeeshikawk Kenadaw

Vif weehstamakayhk

- "Indigene Kishkayistamowin" si awn set di wunishkwaystawhk kishkayistamowin aen system ouschipayiwun daw en tayr di veu Indigene Lee Moond ouschi. Wawpaschikawtayw si rawr kee-ishopimawchihounawniwun, la lawngaezh, kawpaminuhk aen system pi li tawn'd kayawsh di Indigene Lee Moond ispray la plaes ouschi. Shoohkan aykwawnima, mawhtinikawtayw pawschi la tawn, oushtaniwun didawn pawsee kishkayistamowin ouschi weeput awn partawn li moud li tawn ki vyayn pi ay-taypihtihk ishi maykwawt wawshakawshkayhk. Li promyeen Nawsyoon, aen Niskimoo pi aen Michif papayyek ayowak mitouni emamiyouhk kaw-ishi nishititoutahwayt soo Kishkayistamowin. Kishkayistamowin-michiminikaywak aykwawniki pikou lee moond mitouni gaweestahk Indigene Kishkayistamowin poor see a lawntour.
- Ooma Wayashtaywin chikishinahamawkayhk tawnsheeshi Mawkouhtawin Kenawawpaschikawtaywin La zhawnsree di Kenadaw, Awwachikayhk Kenadaw,

Kenadaw La fors Pishkayihchikaywin pi Ou pwesoon pi La mayr Kenadaw awnfors oohin Indigene Kishkayistamowin lee zord didawn itahtou oohin Lee Lway'd ishi:

- Ooma Lee *Lway'd Mawkouhtawin Kenawawpaschikawtaywin*;
 - Ooma Lee *Lway'd Aen zhawn'd Kenadaw Shawpouhtaywin daw Dilloo*
 - Ooma Lee *Lway'd Aen zhawn'd Kenadaw La fors Pishkayihchikaywin*; pi
 - Ooma pwaysoon pi pwaysoon wawshakawmihk natamoushtawtaywin lee zord di *Lee Lway'd Ou pwesoon*.
- Ooma Wayashtaywin kee-oushtaniwun didawn saenk kishinhamawtayhk lee lway:
 - Gischeetayimitou Indigene Lee Moond pi okishkayistamowin;
 - Oushista pi chickenawayhtamihk kweetakoow wawhkoostowin avek Indigene Lee Moond;
 - Ouhchituw chi-itayistakwahk Indigene Kishkayistamowin;
 - Gischeetayimitou di tosal ouschi Indigene Kishkayistamowin; pi
 - Awnkourazhee aymichiminaymakuhk oushtawin ouschipayiwun ishi Indigene Kishkayistamowin.
 - Ishpee 2019, vaen saenk mamowitoohkamawtaywin avek Indigene mamowwiitowuk kee-michimikawtayw lout bor daw la tayr chi-natounikawtayk nashkoumiwaywin kaykwuy chikee kaykinikawtayk didawn ooma Wayashtaywin. Vaen saenk nashkoumiwaywina kawpeekishkwaytamihk didawn Wayashtaywin kee-outistikouwak ouschi Indigene mamowwiitowuk, li gouvarnimaw la zhawnsree, pi paaminikaywin mamowitowin.
 - Ishpee 2021, swesawnti naef Indigene a lawntour pi mamowwiitowuk ay-ashtawak mashnaykaywin nashkoumiwaywina ay-mashnipayhtahk Wayashtaywin. Kawkakayshkimiwayhk meena kee-outistikoun ouschi Mawkouhtawin Kenawawpaschikawtaywin La zhawnsree Indigene Kakayeshhkimaywin La bonch pi Nasawmblee di Li promyeen Nawsoon.

I soun paray Shakamouhtawin

[Indigene Kishkayistamowin Lee lway Wayashtaywin poor Paminikaywin Kaw-igzaminee pi Il a disidee Kaw-ishinakishkamoomahak - Canada.ca](#)

Ooma Wayashtaywin ihtakoun oohin daw Indigene la lawngaezh. Ayiwawk kaw-awnturpretee chikee ihtakoun ishpee kaw-natouchikawtayk.

- [Inuktitut \(Nor Baffin\)](#)
- [Inuktitut \(Sud Baffin\)](#)
- [Metis awn Cree](#)
- [Daw li West Ojibway](#)
- [La prayree awn Cree](#)
- [Oji-awn Cree](#)

- [Innu-aimun](#)
- [Mi'kmaq](#)
- [Dene](#)

[Kaw-awnfors ooma Tooroon Not Grawn Piye Nawsyoon Weestamakaywin didawn Lee Drway di Indigene Lee Moond – Canada.ca](#)

Kawshchitnik

Lee nouvel Mamaawinitowin
Mawkouhtawin Kenawawpaschikawtaywin La zhawnsree di Kenadaw
343-549-3870
iaac.media.aeic@canada.ca

Pimitishahounawn daw Twitter: [@IAAC_AEIC](#) #IndigenousKnowledge